

Ilisarnaat ikaartitigaq titarnilersugaq annoraaminiliaq (Tartan) assigneqanngitsorlu Kalaallit Nunaata ilisarnaatissaa

Ataavartumik sivisuumillu Kalaallit Nunaat Skotlandilu ataatsimoorput. USA-llu præidentiaa januarimi 2026-imi Kalaallit Nunaata nunap naalagaaffigineqarneranut atatillugu isummersuutit Skotlandip nunatut namminersortuusutut anginngitsutut Europallu killingata avannaa tungaaniittutut annilaartarluni amiilaaqalunilu malinnaavigai.

Skotlandip oqaluttuassartaani takeqisumi sanilerisanit ingasattajaartumik saassussiumassuseqartumillu piginiarneqarnerup kingunerisaanik qanoq piorsarsimassutsikkut inuiattullu kinaassuserisap inuiaqatigiillu ilusilersorneqarnerisa sunnerneqarsinnaatiginerat ilisimaarilluarparput. Ikinngutitsinnillu kalaallinik peqatiginninnerput nukinnillu avitseqatiginnikkusussuseqarnerput qanoq iliornikkut takutissanerlugu sivisuumik isumaliutigaarput; suliffeqarfiuterput **Great Scot**, aammalu Brendan O'Hara, Skotlandi sinnerlugu Tuluit Nunaanni inatsisartuni ilaasortaasoq, APPG-milu Kalaallit Nunaannut attuumassuteqartuni suliaasaqarfinni siulittaasuusoq, tapersersortigilluarlugu suleqatigilluarlugulu ilisarnaammik ikaartitikkamik titarnilersukkamik annoraaminiliamik, Tartanimik, tamatumani uagut Skotlandimiut piorsarsimassutsikkut oqaluttuarisaanermik eriaginartumillu immikkut ittumik ilisarnaasersugaatigut isumassarsiorfigalugit, Kalaallit Nunaata inuiaallu kalaallit namminerpiaq pigisassaannik asseqanngitsumik tunissuteqarnissaq aalajangiupparput.

Skotlandimi oqaluttuarisaanikkut ikaartitikkat titarnilersukkanillu annoraaminiliat, Tartan, assigninngitsunngorlugit suliarineqartartut nassatarisaanik naalakkersuinikkut, inuiaqatigiinni ilusilersorneqarnermi, piorsarsimassutsikkut oqaluttuarisaanermilu sunniuteqaqisumik nukeqassutsimik ilisarnaatitut isigineqarput, Skotlandimilu inuiaat nunanit tamalaanit assigninneqisunit kingoqqisut inuiaqatigiinni nukiupput nunarsuullu sinnerani siammarsimalerput. Ikaartitikkallu titarnilersukkat annoraamerngit ilisarnaatit, Tartanit, qangarsuaaniit ilaqutariikkaanit kingornussatullu tulluusimaarutitut oqaluttuarisaanermik ullumikkut uppersaataapput. Taamaammallu Kalaallit Nunaata namminerisaminik ikaartitikkamik titarnilersukkanik annoraaminermik, Tartanimik, ilisarnaateqalernissaa naapertuulluinnarluni.

Kalaallit Nunaata sineriaani 1750-ikkunni aaffanniat angalasimaneranniit ullumikkumut issittumi ilisimasassarsiorlutik angalasut akornanni inuit Skotlandimeersut arnat angutillu ilisimasassarsiornermi Issittumilu avatangiisit inuiaallu ilisimasaqarfigineqarnerulernissaani nipituuliuutiginnikkaluarlugu suleqataapput.

Ikaartitikkamik titarnilersukkanik annoraaminiliap, Wyliep Tartania, isumassarsiorfigalugu ilisarnaataalu toqqammavigalugu, Kalaallit Nunaannut tunissut suliaallunilu inerisarneqarpoq, Wylie lu Skotlandimeersuuvoq filmiliortartoq naasorsioorlu, Isobel Wylie Hutchinson, Kalaallit Nunaanni ilisimasassarsiornermigut naasorsionermigut naasunillu tunngasunik assigninngisitaartunik naasussanillu aamma katersionermigut maanna Edinburgimi annertuumik pisuunnguutigaarput. Isobelillu ikinngutigilluagaa inuiaqatigiinni inuiaallu akornanni pissutsinik misissuisartuni inuit nuimanersaasa ilaat, ataqqineqaqisumillu ilisimasassarsiortoq, Knud Rasmussen, qanimut nukittuumillu sunniuteqaqisumillu ikinngutigalugulu suleqatigaa.

Kalaallit Nunaatalu ikaartitsikkamik titarnilersukkamik annoraaminissaaq, Tartanimik, ilusilersuisoq suliaqartorlu **Great Scot**-imeersoq piffinni nutaanerusuni angalanerni ukioq 2004-mi Skotlandimeersut ilisimasassarsiorlutik angalasut allat peqatigalugit Kalaallit Nunaata sermersua ikaarpaat, sermersuarmik ikaarsisimasut eqimattat akornanni inuusunnersanngorlutik. Sermersuarmillu ikaarsinerup kingorna inuunermik allannguinerpaaffimmeereerluni maanna Kalaallit Nunaata ikaartitsikkamik titarnilersukkamik annoraaminissamik, Tartanimik, tunissuteqarfigineqarnerani pilersitseqataanini immikkuullarilluinnartumik pisinnaatitsilernertut isigaa.

Tunissummi qalipaait atorneqartut Kalaallit Nunaata erfalasuani '*Erfalatorput*'-mi qalipaait atorneqartut isumassarsiorfigalugit suliarineqarpoq. Tunissummili qalipaait atorneqartut akornanni malunnangajavissumik pinngortitami qalipaait aamma isumassarsiorfigineqarput; naasoq *Nivarsiaq* Kalaallit Nunaata naasuata qalipaataa tunngavigineqarluni.

Naggataagullu qangarsuaanit Skotlandimi oqaatsit issuarneqartartut imaapput:

*'Ikaartitikkamik titarnilersukkamik annoraaminissiaq, Tartan, atortillugu ilitit
illersorsinnaajuarpatit!'*

Qularutigissanngilarsilu uagut Skotlandimi ikaartitikkamik titarnilersukkamik annoraaminiliaaterput, Tartan, atorlugu peqatigalusi kalaallit inuiaat Kalaallit Nunaannik piginnittuusinnaatitaajuaannarnissaat ataatsimoorfigiuassavarput!

Patrick Lewtas,
Director of Operations – Great Scot (Scotland) Ltd.
(Great Scotimi ulluinnarni aqutsisoq)